

Na osnovu Zakona o igrama na sreću („Službeni list FBiH“ br. 48/15 i 60/15), Pravilnika o sadržaju pravila uslova i načina privređivanja nagradnih igara („Službeni list FBiH br. 30(16 i 63/19), Svjetlostkomerc d.d. donosi:

PRAVILA NAGRADNE IGRE

„U Knjižarama SVJETLOST kupuj i poklon otpakuj“

Član 1.

Organizator

Svjetlostkomerc d.d. Sarajevo, Muhameda Kantardžića 3, PDV broj: 200177160001 je organizator nagradne igre pod nazivom: Nagradna igra „U Knjižarama Svjetlost kupuj i nagradu otpakuj“ se priređuje sa ciljem promocije knjižara SVJETLOST, a sprovodi se isključivo kupovinom u maloprodajnim objektima Svjetlostkomerc d.d., u daljem tekstu Knjižare Svjetlost.

Član 2.

Trajanje

Nagradna igra počinje 15.08.2020. godine i traje do 15.10.2020. godine (uključivo), te se odnosi na sve knjižare SVJETLOST na teritoriji FBiH.

Član 3.

Pravo na učešće

U promotivnoj nagradnoj igri mogu učestvovati sve fizičke osobe koje imaju prebivalište na području Bosne i Hercegovine. Pravo na učešće nemaju osobe koje su uključene u organizaciju nagradne igre, a posebno osobe zaposlene kod Organizatora, kao i članovi njihove uže porodice. Za sudjelovanje maloljetnika saglasnost mora dati roditelj ili osoba koja je u skladu sa zakonom ovlaštena o njoj se starati i zastupati je. Maloljetnik može biti dobitnik nagrade i primiti osvojenu nagradu prema zakonom propisanim uvjetima, odnosno ukoliko je skrbnik maloljetnika prihvatio nagradu, time je izrazio svoju saglasnost s Pravilima, te nagradu u ime maloljetnika i preuzima.

Član 4.

Učestvovanje

Realizacijom kupovine u vrijednosti višoj od 10,00 KM, Knjižara SVJETLOST sa evidentiranom kupovinom na računu kao i napisanim ličnim podacima na formularu koji će biti dostupan na kasama Knjižara SVJETLOST (ime i prezime, adresu, e-mail i mjesto stanovanja, te kontakt telefon) ostvaruje se mogućnost učestvovanja u nagradnoj igri. Svaka osoba može učestvovati sa više računa. Svaki pojedini račun može biti iskorišten odnosno prijavljen za ovu nagradnu igru samo jednom. Račune koji zadovoljavaju naprijed navedeno, potrebno je ubaciti u promotivnu kutiju koja je izložena u svakom Knjižari SVJETLOST. Svi zaprimljeni računi nalazit će se pod kontrolom Organizatora i bit će odbijeni ako postoji osnovana sumnja u njihovu valjanost ili ako ne zadovoljavaju uvjete za sudjelovanje kako je navedeno ovim pravilima.

Član 5.

Izvlačenje nagrada

Izvlačenje svih nagrada održat će se 16.10.2020. godine u Knjižari SVJETLOST u ulici Maršala Tita 54. Izvlačenje će nadgledati tročlana komisija koju zaduži Organizator. Odluka komisije je konačna i obavezujuća. Prilikom izvlačenja bit će izvučen jedan dobitnik za svaku nagradu, s tim da će dobitnici nagrade izvlačiti slijedećim redoslijedom: Dron, tri poklon bona u vrijednosti od po 100,00 KM, šest PLAY ruksaka. Ukoliko jedna osoba bude izvučena dva ili više puta, bit će dobitnik nagrade za koju je prvi put izvučena. Učesnici mogu učestvovati sa neograničenim brojem računa koji zadovoljavaju sve uslove iz članka 5. Nepotpun, oštećen ili račun za koji postoji osnovana sumnja u valjanost ne može učestvovati u nagradnoj igri niti učesnik na osnovu takvog računa može osvojiti nagradu. Rezultat nagradne igre bit će objavljen na oficijelnoj web stranici Svjetlostkomerc-a, na Facebook i Instagram profilima kompanije.

Član 6.

Nagradni fond

Ukupna približna nabavna vrijednost nagradnog fonda je 413,00 KM. Nagradni fond čini ukupno 10 nagrada i to:
- jedna (1) glavna nagrada – Dron pojedinačne vrijednosti sa PDV-om 71,00 KM;
- tri (3) nagrade – tri poklon bona u vrijednosti od po 100,00 KM sa PDV-om, što ukupno čini 300,00 km;
- Šest (6) nagrada – Šest PLAY ruksaka, pojedinačne vrijednosti sa PDV-om 7,00 KM, što čini ukupno 42,00 KM;
Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim Pravilnikom. Nagrade se ne mogu zamijeniti za novac. Sve nagrade uključuju porez na dodanu vrijednost kojeg plaća

Organizator. Fotografije svih nagrada na svim promotivnim materijalima su simbolične i služe samo za informativne svrhe.

Član 7.

Obavještanje Dobitnika i uručenje nagrada

Svi dobitnici nagrada bit će obaviješteni putem telefona. Ukoliko ne bude moguće kontaktirati dobitnika nagrade u roku od 72 sata na broj telefona koji je naveden na računu, dobitnika će se pozvati dopisom na adresu koja se nalazi na računu da se javi. Ukoliko se ne javi u roku 30 dana od primitka dopisa, Organizator se oslobađa odgovornosti predaje Nagrade. Preuzimanjem nagrade od strane učesnika prestaju sve obveze Organizatora prema njemu. Pravo na preuzimanje nagrade može se prebaciti na treće lice putem punomoći nagrađenog pred nadležnim organom. Svi dobitnici će preuzeti svoje nagrade u skladu sa dogovorom s Organizatorom, a po predočanju osobnih dokumenata te najkasnije 30 dana od dana obavještenja dobitnika odnosno stupanja u kontakt. Pravila nagradne igre, kao i rezultati izvlačenja i imena dobitnika bit će objavljena u dnevnim novinama Oslobođenje. Objava pravilnika nagradne igre je najmanje sedam dana prije početka nagradne igre.

Član 8.

Porez i odgovornosti

Organizator je odgovoran za sve poreze, naknade ili dažbine u vezi s nagradom, osim poreza na lični prihod dobitnika. Nagrade se ne mogu prenijeti niti ustupiti drugima prije nego što se izvrši njihovo uručenje dobitniku, osim po specijalnoj punomoći.

Član 9.

Osobni podaci

Prije prijave na nagradnu igru Učesnik potvrđuje da je upoznat sa Pravilima i uvjetima prikupljanja i obrade njegovih osobnih podataka. Organizator će za potrebe sudjelovanja u nagradnoj igri od Učesnika prikupljati ime i prezime. Svi osobni podaci Učesnika koji se prikupe tokom nagradne igre isključivo se koriste u svrhu provođenja i realizacije nagradne igre i formiranja baze podataka kupaca. Organizator će od dobitnika prikupiti i dodatne osobne podatke: adresa i broj telefona kako bi osvojenu nagradu mogao isporučiti dobitniku. Učesnik je slobodan u svakom trenutku tražiti od Organizatora da prestane sa obradom njegovih osobnih podataka slanjem maila na info@svjetlostkomerc.ba i prihvaća da takvo uskraćivanje može rezultirati nemogućnošću sudjelovanja u nagradnoj igri. Osobne podatke Učesnika će obrađivati Organizator. Organizator će poduzeti sve potrebne korake u organizacijskom i tehničkom smislu kako bi zaštitio osobne podatke Učesnika u skladu sa važećom regulativom. Učesnik je dužan prilikom davanja podataka dati istinite, tačne i potpune kontakt podatke o sebi. Učesnik je saglasan da ga Organizator kontaktira koristeći njegove kontakt podatke. U slučaju nedostupnosti. Podnošenjem prijave Učesnik potvrđuje da je obaviješten o prikupljanju i obradi osobnih podataka.

Član 10.

Stupanje na snagu Pravila nagradne igre

Ista stupaju na snagu nakon što Federalno ministarstvo finansija izda saglasnost za provođenje nagradne igre, te nakon što Organizator nagradne igre prethodno uplati ukupno 6% od ukupne vrijednosti nagradnog fonda za BiH i to kako slijedi: 1,5% „Crvenom krstu“, 1,5% „Caritasu“, 1,5% „Merhametu“ i 1,5% „Dobrotvoru“.

Član 11.

Otkazivanje

Organizator zadržava pravo da prekine nagradnu igru u slučaju okolnosti za koje Organizator nije odgovoran, odnosno koje nije mogao spriječiti, otkloniti ili izbjeći, u kojem slučaju se oslobađa svih mogućih nastalih obveza prema učesniku. Organizator ne snosi nikakvu odgovornost zbog tehničkih problema ili grešaka u unosu podataka i drugih razloga koji ne ovise od Organizatora. Učesnik koji sudjeluje u nagradnoj igri prihvata prava i obaveze ovih Pravila. Organizator zadržava pravo promjene Pravila uz prethodnu saglasnost Federalnog Ministarstva Finansija, o čemu će svi učesnici biti pravovremeno obaviješteni objavom u dnevnim novinama. Odluke Organizatora donesene prema Pravilima o provođenju nagradne igre konačne su i obavezujuće za sve učesnike.

Član 12.

Spor

U slučaju spora između Organizatora i Sudionika nadležan je Općinski sud u Sarajevu.

Rješenjem Federalnog ministarstva finansija broj 05-12-1-572/20-T.B.

Sarajevo, 14.07.2020. godine izdata je saglasnost za organizaciju navedene nagradne igre.